

VG & FÉLAGS
HYGGJUFÓLK

KÓPAVOGUR

GAFFEI OG FURID ALLI

SVEITARSTJÓRNARKOSNINGAR 2014

Vinstri græn og félagshyggjufólk í Kópavogi vilja að við stjórn bæjarmála sé farið upp úr flokkspólitískum hjólförum og leitast við að ná samstöðu um lausnir á verkefnum bæjarins. VGF eru staðráðin í að koma fram sem þjónandi forysta, kosin af bæjarbúum fyrir bæjarbúa, efla þátttöku íbúanna í ákvörðunum með miklu meiri áherslu á rafrænt lýðræði og opna stjórnsýslu. Gefa þarf íbúum kost á að segja álit sitt og taka ákvarðanir um málefni og framkvæmdir á milli kosninga, en ekki bara á fjögurra ára fresti. Við viljum að allir opinberir staðir í Kópavogi taki þátt í verkefni um opnar nettengingar fyrir alla (hot spots).

Kópavogur er fyrir okkur öll, hér eiga allir að geta notið sín og lifað með reisn óháð öllum þeim þáttum sem við notum því miður oft til að sundurgreina hópa. VGF eru með sjónarmið félagshyggju, velferðar, umhverfisverndar og kvenfrelsis að leiðarljósi í allri stefnumótun. Kópavogsbær á að efla íbúa sína til þátttöku og hvetja til samfélagslegrar fjölbreytni.

Við viljum efla samstarf sveitarfélaga á höfuðborgarsvæðinu, til að mynda í húsæðis og skipulagsmálum, ekki aðeins í sparnaðarskyni heldur til að bæta þjónustuna við þá sem hér búa.

Vinstri græn og félagshyggjufólk munu vinna af heilindum að málefnum bæjarbúa.

Kópavogur — samfélag fyrir alla.

Velferðarmál

Í sveitarfélagi eins og Kópavogi eru öll mál er varða íbúana velferðarmál. VGF vilja að Kópavogur sé í fararbroddi sem sveitarfélag margbreytileikans sem þjónar öllum hópum með lýðræði og mannréttindi að leiðarljósi. Það er hagur allra að hér geti öllum liðið vel, allir geti lifað með reisn og allir fái notið sín með virkum hætti í samfélaginu. Sveitarfélagið okkar er verkfærið sem tryggir að svo geti verið. Tryggja þarf mannréttindi allra, að fólki sé ekki mismunað sökum stöðu þess eða uppruna og unnið sé gegn fátækt og félagslegri einangrun. Allir íbúar eiga að hafa sömu möguleika til að njóta þjónustu bæjarins og aðgengi íbúa að þjónustu á að vera í samræmi við þarfir á hverjum tíma. Við viljum að bærinn taki upp réttindagæslukerfi fyrir alla sem nota félagsþjónustuna. *Vinstri græn og félagshyggjufólk* vilja að Kópavogur innleiði mannréttindasamninga eins og barnasáttmála Sameinuðu þjóðanna og samning um málefni fatlaðra inn í starfsemi og verkferla sveitarfélagsins.

Notandinn í „ökusætið“

Vinstri græn og félagshyggjufólk vilja koma á valdeflingu þeirra sem þurfa þjónustu frá bænum (e. empowerment) og setja þannig notendur þjónustunnar í „ökusætið“. Þannig stýri þeir sjálfir þeirri þjónustu sem þeir þurfa. Með valdeflingu notenda verður hægt að hjálpa fólki að ná þeirri fótfestu sem það þarf til að standa á eigin fótum.

Jafnframt aukinni ábyrgð fólks á þeirri þjónustu sem það notar viljum við að bærinn tryggi fólki þá þjónustu sem það þarf. Í því felst að allir þeir þjónustubættir sem viðkomandi þarf á að halda, þ.m.t. liðveisla, heimaþjónusta, aðstoð við framfærslu o.s.frv. verði tryggðir. Hér er um mannréttindamál að ræða sem VGF leggur mikla áherslu á.

Leigufélag höfuðborgarsvæðisins

Vinstri græn og félagshyggjufólk vilja efla félagslega húsnaðiskerfið. VGF vilja að bærinn hafi frumkvæði að stofnun leigufélags höfuðborgarsvæðisins og leggi þar inn allar félagslegar íbúðir sínar sem eignarhlut, með þátttöku allra sveitarfélaganna á höfuðborgarsvæðinu. Með slíku félagi væri hægt að hjálpa fólki að komast út úr því helsi sem núverandi kerfi er og hafa stuðning mismunandi eftir þörf. Með bættum hag íbúanna er hægt að hjálpa þeim að komast út úr félagslega íbúðakerfinu smátt og smátt. Með samræmdum reglum, samræmdum biðlistum og samræmdum greiðslum á öllu svæðinu væru möguleikar fólks til að færa sig á milli sveitarfélaga tryggðir og réttindi alls staðar þau sömu. Með þessu eru öll sveitarfélög á höfuðborgarsvæðinu gerð samábyrg fyrir því að tryggja öllum húsnaði, en húsnaði er eitt af grundvallarmannréttindum fólks.

Vinstri græn og félagshyggjufólk vilja einnig að bærinn komi að kaupum á þjónustuíbúðum fyrir aldraða, þannig að bærinn geti mætt þörfum eldri íbúa sem hafa mikla þjónustubörf, án þess að þurfa vistun á stofnun. Jafnframt á bærinn að skoða með opinberum aðilum, Íbúðalánasjóði og lífeyrissjóðum hvort bærinn geti komið að stofnun leigufélags á almennum markaði. Á höfuðborgarsvæðinu er þörf á tæplega 5000 leiguíbúðum á næstu þremur árum skv. greiningu Capacent. VGF vilja að bærinn taki þátt í þeirri uppbyggingu.

Málefni eldra fólks

Mikilvægt er að allir geti lifað með reisn á öllum æviskeiðum. Því er mikilvægt að eldra fólk í Kópavogi fái þjónustu sem það þarf. Jafnframt er mikilvægt að rödd eldra fólks heyrist og það fái að hafa áhrif á þá þjónustu sem í boði er.

VGF vilja að málefni eldra fólks flytjist á ábyrgð sveitarfélaganna, líkt og þegar hefur gerst með málefni fólks með fötlun. Nærþjónusta á að vera á ábyrgð sveitarfélagsins.

Meðan beðið er þessa flutnings skal Kópavogsbær gera þjónustusamning við ríkið um að sinna heimahjúkrun og skapa þannig forsendur til að samþætta heimþjónustu og heimahjúkrun aldraðra. Bærinn á að hafa metnað til að koma til móts við veika eldri einstaklinga, hvort heldur er með nauðsynlegri stofnanþjónustu eins og í Sunnuhlíð og Boðáþingi eða í heimahúsum eða dagþjálfun. Við viljum að bærinn komi með beinum hætti að lausn á fjárhagsvanda Sunnuhlíðar. Bærinn á að taka fullan þátt í viðræðum þar um og skoða þann möguleika að leggja Sunnuhlíð til stofnframlag.

- **Forvarnar og lýðheilsustyrki fyrir eldra fólk**

Vinstri græn og félagshyggjufólk vilja taka upp lýðheilsustyrki fyrir eldra fólk frá 67 ára aldri að upphæð 10.000 kr. á ári. Með slíkum stuðningi er hægt að gera fólki auðveldara að stunda heilsueflandi afþreyingu og stuðla þannig að bættri heilsu og líðan eldra fólks.

Fólk með fötlun

Kópavogur á að vinna áfram að því að bæta þjónustu við fólk með fötlun og tryggja að aðgengi að öllum stofnunum og fyrirtækjum sé fyrir alla. VGF vilja setja upp Geðheilsustöð Kópavogs þar sem samræmd verða þau úrræði sem bærinn býður upp á í málefnum fólks með geðfötlun. VGF vilja tryggja fjölbreytt búsetuúrræði fyrir fólk með fötlun. VGF vilja að akstursþjónusta fyrir fólk með fötlun á höfuðborgarsvæðinu sé bætt og rekin á samfélagslegum forsendum í samvinnu allra sveitarfélaganna.

Málefni barna og ungmenna

Vinstri græn og félagshyggjufólk leggja mikla áherslu á málefni barna og fjölskyldna þeirra. Öll börn eiga að njóta þeirra réttinda sem þeim ber samkvæmt barnasáttmála Sameinuðu þjóðanna og ekki má mismuna þeim vegna stöðu þeirra eða foreldra þeirra. Því þarf samfélagið að tryggja öllum börnum tækifæri til menntunar,

tómstunda og félagslífs í samfélagi við önnur börn. Tryggja þarf að börnum sé ekki mismunað s.s. sökum stöðu þeirra, uppruna eða efnahags foreldra. Sérstaklega þarf að tryggja réttindi barna innflytjenda. VGF vilja að barnasáttmáli Sameinuðu þjóðanna verði innleiddur í starfsemi og verkferla sveitarfélagsins. Skólakerfið er hornsteinn jöfnunar í samfélaginu og mikilvægt er að standa vörð um það og tryggja öllum börnum þar þá þjónustu sem þau eiga rétt á.

- **Örugg sumarvinna hjá bænum fyrir ungt fólk**

Vinstri græn og félagshyggjufólk vilja tryggja að ungt námsfólk 17 ára og eldra geti treyst á sumarvinnu hjá bænum. Bærinn á að tryggja að sumarvinna ungmenna sé í boði í a.m.k. 9 vikur á sumri. Öllum börnum á aldrinum 13- 16 ára verði tryggður aðgangur að Vinnuskólanum.

- **Átaksverkefni til stuðnings ungu fólki af erlendum uppruna**

Bærinn þarf að huga sérstaklega að börnum og ungmönnum af erlendum uppruna. Einkum þarf að huga að miklu brottfalli barna af erlendum uppruna úr námi og hlúa að þeim. Við eigum að taka vel á móti innflytjendum og tryggja að þeir geti tekið fullan þátt í samfélaginu. Þá er einnig mikilvægt að styrkja samvinnu við frjáls félagasamtök sem komið hafa að málum fólks af erlendum uppruna.

Jafnrétti og kvenfrelsi

Sveitarstjórnnum ber að tryggja jafnrétti kynjanna í öllu starfi. Uppræta þarf kynbundinn launamun, stuðla þarf að auknum jöfnuði kynjanna þegar kemur að náms- og starfsvali og jafna aðgengi kynjanna að fjármagni og ákvarðanatöku. Sveitarfélögum ber að sporna gegn kynbundnu ofbeldi, klámvæðingu og vændi og vinna gegn skaðlegum áhrifum staðalmynda. Stuðla verður að jafnréttisfræðslu í öllu skóla- og uppeldisstarfi og jafnara hlutfalli kynja á vinnustöðum á vegum Kópavogsbæjar, s.s. í leikskólum og grunnskólum og í stjórnarsýslu og nefndum.

Menntun og tómstundir — fjárfesting til framtíðar

Vinstri græn og félagshyggjufólk leggja áherslu á forgangs röðun í þágu barna og fjölskyldna þeirra. Að fjárfesta í börnum er fjárfesting til framtíðar og til heilla fyrir samfélagið. Öll börn eiga að njóta sömu tækifæra til að þroskast og njóta hæfileika sinna. Til þess að Kópavogur sé samkeppnishæfur við nágrannasveitarfélögin hvað varðar þjónustu grunnskóla, leikskóla og tómstunda þarf að hlúa vel að þessum málaflökki. VGF líta svo á að sveitarfélagið sé sá aðili sem er best til þess fallinn að veita þessa þjónustu, þannig að jafnræði allra barna sé tryggt. Eftir efnahagshrunið 2008 hefur verið skorið verulega niður til skólamála í Kópavogi. Snúa þarf við þeirri þróun og bæta aðbúnað og þjónustu í skólum. Börn sem ekki fá stuðning til að ná árangri í grunnskóla eiga meiri hættu á að hverfa frá námi í framhaldsskóla. Val fólks á búsetu ræðst oft á tíðum af þeirri þjónustu sem sveitarfélag veitir. Styrkja þarf samstarf milli skólastiga. Það á að vera eftirsóknarvert fyrir barnafólk að búa í Kópavogi og Kópavogsbær á að vera eftirsóknarverður vinnustaður í mennta- og velferðarmálum. Jafnframt þarf að vera aðgengi allra aldurshópa að menntun, menningu og tómstundum í bænum.

Leikskóli og dagforeldrar

Leikskólarnir okkar hafa notið virðingar og eru foreldrar ánægðir með þjónustu sem þeir fá þar fyrir börnin sín. Leikskólarnir hafa hinsvegar þolað mikinn niðurskurð eftir efnahagshrunið og er starfsemin komin að þolmörkum. Nú er komin tími til þess að skila til baka þeim fjármunum sem hafa verið teknir af leikskólunum.

Vinstri græn og félagshyggjufólk leggja áherslu á að leikskólinn verði gerður gjaldfrjálss í áföngum. Leikskólinn verði skilgreindur sem sex stundir á dag. Eftir sem áður verði boðið upp á þjónustu eftir sex stundir og verði gjald tekið fyrir með sama hætti og fyrir Dægradvöl í skólunum.

Brúa þarf bilið frá fæðingarorlofi til leikskóla með því að hefja uppbyggingu á leikskólum fyrir yngri börn. Dagforeldrar hafa til þessa verið þeir aðilar sem þjónað hafa þessu hlutverki best og munu vafalaust gera áfram. Mikilvægt er þó að foreldrar hafi val um leikskóla eða dagforeldra fyrir börn sín. Gjald hjá dagforeldrum þarf að niðurgreiða með sama hætti og gert er í leikskólunum þannig að sú þjónusta sé á sama verði og leikskólapláss. Uppbygging leikskóla fylgi uppbyggingu hverfa. Því þarf að hefja strax uppbyggingu á leikskóla í Guláþingi.

- **Skilum peningunum:** Skilað verði til baka þeim fjármunum sem teknir voru úr leikskólastarfinu í hruninu.
- **Fyrsta skólastigið:** Að leikskólinn verði skilgreindur sem fyrsta skólastigið, 6 stundir á dag.
- **Leikskólajöld verði afnumin í þrepum á 4 árum:** Að fjórum árum liðnum verði einungis tekið gjald fyrir vistun eftir kl. 14.00 og verði það sambærilegt

því gjaldi sem er í Dægradvöl grunnskóla. Foreldrar greiði einungis fæðis og efnisgjald.

- **Dagforeldrar:** Gjald sem foreldrar greiða dagforeldrum verði það sama og greitt er fyrir leikskóladvöl.

Grunnskóli

Vinstri græn og félagshyggjufólk vilja að grunnskólar í Kópavogi séu í fremstu röð og veiti öllum börnum þjónustu og menntun við hæfi. Sérstaklega þarf að standa vörð um sérkennslu og þau sérúrræði sem í boði eru fyrir börn sem þess þurfa.

- **Skilum peningunum:** Frá hruni hafa fjárveitingar verið skornar niður til forfallakennslu, til kaupa á námsefni, til foreldrasamstarfs (bekkjarkvöld og fleira), félagsstarfa, frímínútnagæslu, vettvangsferða, til tækjakaupa og til sérkennslu. Þar að auki hefur verið fjölgað í námshópum. Þessum peningum, þessari þjónustu við börnin þarf að skila aftur. Börnin okkar eiga það skilið.
- **Mötuneyti:** Í öllum skólum sé boðið upp á hollan mat á lágu verði. Stefna skal að því að aðstaða til eldunar verði í öllum skólum og nemendur greiði einungis hráefniskostnað.
- **Samstarf milli skóla:** Auka þarf samstarf og samvinnu milli grunnskóla í Kópavogi og gera kennurum kleift að miðla góðum verkefnum í aðra skóla.
- **Samstarf milli skólastiga:** Hlúa þarf að samstarfi milli skólastiga, leik- grunn- og framhaldsskóla. Grunnskólarnir fái aftur það fjármagn sem þarf til að geta boðið nemendum í efstu bekkjum grunnskóla að taka framhaldsskólaáfang.

Fjölbreyttari Dægradvöl

Gera þarf róttækar breytingar á Dægradvöl skólanna. Þjóða tómsfundafélögum og íþróttafélögum þátttöku með námskeiðum eða þjálfun. Vinna þarf markvisst að skipulagningu Dægradvalarinnar og skapa skemmtilegt, þroskandi og lifandi umhverfi fyrir börnin.

- **Tómsfundastyrkur:** Þau börn sem nýta sér Dægradvölinu eiga að hafa kost á því að nýta tómsfundastyrk til greiðslu fyrir námskeið sem þau sækja þegar þau eru í Dægradvöl.
- **Aðstaða í skólunum:** Nýta þarf betur þá aðstöðu sem er í hverjum skóla s.s. íþróttahús, smíðastofur og skólaeldhús.

Framhaldsskóli

Öll ungmenni í Kópavogi eiga að hafa möguleika á að stunda framhaldsnám í bænum. Samt telja VGF mikilvægt að ungmenni geti haft val um framhaldsskóla í samræmi við áhugasvið og framtíðarsýn. Nýr framhaldsskóli þarf að rísa í Kórnum með áherslu á íþróttir og verkmenntun. VGF vilja leita til ungmenna, s.s. nemenda í 10. bekk og í

fyrstu tveimur árgöngum í framhaldsskóla í bænum um hugmyndir um hvernig slíkur skóli ætti að vera.

Íþróttir og tómstundastyrkir

Íþróttir og tómstundir eru mikilvægur þáttur í uppeldi barna og unglinga. *Vinstri græn og félagshyggjufólk* leggja áherslu á að öll börn hafi kost á að stunda tómstundir og íþróttir. Tryggja þarf að allar íþróttagreinar fái viðunandi aðstöðu og að jafnræðis sé gætt í skiptingu fjármuna milli íþróttafélaganna og annarrar tómstundastarfssemi. Tryggja þarf Skólahljómsveit Kópavogs viðunandi framtíðarhúsnæði fyrir starfsemi sína. Með breytingu á frístundastyrknum er fleiri börnum gefin kostur á því að nýta hann heldur en áður. Hinn nýi lýðheilsustyrkur fyrir eldra fólk er nýjung sem ekki þekktist hjá öðrum sveitarfélögum. Þennan styrk getur þessi aldurshópur nýtt fyrir sund, líkamsrækt eða aðrar tómstundir.

- **Aðstaða:** Lögð verði áhersla á að allar íþróttagreinar hafi góða aðstöðu.
- **Íþróttir fyrir alla:** Að íþróttafélögin bjóði upp á íþróttaiðkun fyrir alla aldurshópa án þess að lögð sé ofuráhersla á keppni.
- **Tómstundastyrkur:** Tómstundastyrkurinn verði 30.000 kr. á hvert barn á aldrinum 5-18 ára. Styrkinn er hægt að nýta fyrir íþróttir, tómstundir, listnám, s.s. tónlistarnám og fyrir námskeið í Dægradvöl. Ungmenni á aldrinum 16-18 ára geti nýtt sér tómstundastyrkinn til niðurgreiðslu á líkamsræktarkorti. Foreldrar/forráðamenn geti ráðstafað að eigin vali, í einu lagi eða skipt upphæðinni á fleiri en eina tómstund í upphafi hvers árs á *Mínum síðum* á heimasíðu Kópavogsbæjar til viðurkenndra aðila að mati bæjarins.
- **Lýðheilsustyrkur:** Nýr tómstunda- og lýðheilsustyrkur fyrir 67 ára og eldri verið 10.000 kr. á ári.

Umhverfi, skipulag og lýðheilsa — vinnum gegn loftslagsbreytingum

Kópavogur á að vera bær þar sem allir íbúar búa við heilnæmt umhverfi og geta auðveldlega notið náttúru og útivistar. Allar áætlanir og ákvarðanir skulu hafa hagsmuni og velferð íbúa að leiðarljósi en jafnframt tryggja að ekki sé gengið á möguleika komandi kynslóða til að njóta velferðar, náttúru og umhverfisgæða. Því skal stuðlað að vernd og viðhaldi náttúru- og menningarminja. Íbúum skal auðveldað að temja sér umhverfisvænan og heilbrigðan lífsstíl. Samráð og sátt við íbúa er lykillinn að góðum bæ. *Vinstri græn og félagshyggjufólk* vilja stuðla að bættri lýðheilsu bæjarbúa, bæta umhverfi og vinna gegn loftslagsbreytingum.

Byggð og skipulag

Kópavogur verði bær með fjölbreyttri byggð og húsnæði sem hentar mismunandi þörfum íbúa og öllum aldurshópum. Það verði haft að leiðarljósi við skipulag nýrra hverfa og endurskipulagningu eldri hverfa og bæjarbúar hafðir með í ráðum. Við skipulag inni í grónum hverfum er mikilvægt að virða yfirbragð hverfisins og ásýnd og gæta þess að ganga ekki á græn svæði. Hamraborgarsvæðið og svæðið þar fyrir norðan verði sérstaklega skipulagt með þarfir þeirra í huga sem vilja vera miðsvæðis, hafa þjónustu í göngufæri og nýta sér almenningsamgöngur. Þar má nefna uppbyggingu námsmannaíbúða, sem munu verða tengdar háskólasvæðinu með greiðum almenningsamgöngum og stígum.

Heilnæmt umhverfi

Kópavogsbúar búi við heilnæmt umhverfi, hreint loft, hreint vatn, ómengaða læki, vötn og strandsjó. Mikilvægt er að tryggja vatnsvernd og gæði neysluvatns. Því skal standa vörð um svæði sem njóta vatnsverndar og ekki skal ganga á þau. Sérstaklega verði hugað að loftmengun í íbúahverfum og kringum skóla, bæði með takmörkun umferðar og mótvægisáðgerðum. Málefni Hellisheiðarvirkjunar verði sérstaklega skoðuð, þannig að virkjunin skaði ekki heilsu Kópavogsbúa. Reglulegar mælingar gerðar á lækjum, vatni og strandsjó og þannig reynt að tryggja að svæðin séu ekki menguð.

Samgöngur

Stígakerfi bæjarins verði bætt, gerðir sérstakir hjólreiðastígar sem eru aðskildir frá öðrum stígum og tryggt að stígar séu færir allt árið. Hringtengingu þarf að koma á hjólastíga utan um Kópavog og betri tengingu við önnur sveitarfélög. Ávallt sé leitað áhlits hagsmunaaðila s.s. Landssamtaka hjólreiðamanna við slíkar framkvæmdir. Allir Kópavogsbúar geti auðveldlega nýtt almenningsamgöngur sem ferðamáta bæði innan bæjar sem og milli sveitarfélaga. Til að stuðla að notkun almenningsamgangna vilja VGF að samgöngur innanbæjar verði gjaldfrjálzar. Sérstaklega verði hugað að samgöngum barna í tólmstundir. Mikilvægt er að tryggja

öryggi allra vegfarenda óháð samgöngumáta. Kópavogsbær stuðli að umhverfisvænum samgöngumáta m.a. með því að farartæki í eigu Kópavogsbæjar verði knúin umhverfisvænum orkugjöfum. Gerður verði samgöngusamningur fyrir þá starfsmenn Kópavogsbæjar sem vilja nota almenningssamgöngur eða aðrar umhverfisvænar samgöngur.

Útivist

Standa þarf vörð um græn svæði bæjarins, bæði vegna útivistargildis svæðanna og einnig vegna þess að svæðin eru lungu Kópavogs. Í hverju hverfi verði skipulögð skjólgóð græn svæði þar sem íbúar geti komið saman og notið útiveru og samveru. Þannig hafi allir Kópavogsbúar útivistarsvæði í stuttu göngufæri frá heimili. Svæði verði ákveðin og skipulögð í samvinnu við íbúa hverfisins. Bæta þarf aðgengi að öðrum útivistarsvæðum, s.s. Guðmundarlundi og Elliðavatni.

Náttúru- og menningarminjar

Kópavogur státar af fjölda náttúruperla og menningarminja sem sumar hverjar eru friðlýstar. Mikilvægt er að standa vörð um þessi svæði, hugsa vel um þau og vernda, en jafnframt þurfa þau að vera aðgengileg almenningi, s.s. með því að merkja náttúruleiðir. Kópavogur og Fossvogur innan marka Kópavogs er friðlýstur og er mikilvægt búsvæði fugla á heimsvísu. Því þarf sérstaklega að standa vörð um Kársnesið, koma í veg fyrir frekari uppfyllingar og endurheimta eins og kostur er upprunalega ásynnd svæðisins.

Minnkum sóun

Kópavogsbær og stofnanir bæjarins verði í fararbroddi við að minnka sóun og að taka upp starfshætti sem hafa sem minnst skaðleg áhrif á umhverfið. Það er m.a. gert með góðri nýtingu hráefna, með því að sniðganga efni sem hafa skaðleg áhrif á umhverfið s.s. plastpoka, notkun á umhverfisvænum samgöngum og með flokkun og endurvinnslu. Bæjarbúar og fyrirtæki í bænum verða hvött til umhverfisverndar og gert það auðvelt.

Umhverfisfræðsla

Náttúrufræðistofa Kópavogs verði styrkt sem fræðslusetur fyrir skóla og almenning um náttúrufræði og umhverfismál, ekki síst um náttúru og umhverfi Kópavogs.

Lýðræði, þátttaka og stjórnsýsla

Vinstri Græn og félagshyggjufólk vilja að íbúar geti haft sem mest áhrif á mótun samfélagsins. Gegnsæi og gagnvirk þjónusta bætir alla stjórnsýslu og samskipti við bæjarbúa. Nýtt verði nýjasta tækni og leitað eftir skoðunum þeirra með rafrænum hætti. Eftirfarandi atriði viljum við leggja áherslu á:

- **Umboðsmaður íbúa:** Stofnað verði embætti umboðsmanns íbúa sem íbúar geti leitað til vegna erinda eða stjórnsýsluákvæðana.
- **Íbúadagur:** Árlega verði svokallaður *íbúadagur*. Þar verður kosið (rafrænt) um ýmis málefni sem íbúar eða bæjarstjórn leggur fyrir almennan kjósanda.
- **Verið velkomin!:** Framkvæmt verði átakið *Verið velkomin!* Nýaðfluttir eða nýkomnir Íslendingar eru þar boðnir velkomnir með ýmsum upplýsingum um bæinn og stjórnsýsluna.
- **Hverfasamtök:** Hverfasamtök bæjarins verði eflað enn frekar s.s. hvað varðar ráðgefandi skoðanir á viðhaldi gatna, skipulagsmál og annað sem tengist hagsmunum hverfisins. Með öflugum hverfasamtökum gefst tækifæri til að virkja grasrótina og auka samskipti milli bæjaryfirvalda og íbúa.
- **Öldungaráð:** Stofnað verði ráð eldri íbúa, s.k. *Öldungaráð*, bænum til ráðgjafar og umsagnar um ýmis mál og ákvarðanir er þá varða sérstaklega. Ókeypis þráðlaust net verði sett í allar opinberar stofnanir bæjarins, þar með talið skóla.
- **Kopavogur.is:** Gera þarf heimsíðu Kópavogsbæjar að þjónustu- og samskiptatæki fyrir íbúa.

Atvinnumál

Bæjaryfirvöld þurfa að hlúa að atvinnurekstri bæjarins, sérstaklega þeirri starfssemi sem telst vera græn atvinnustarfssemi. Tengslin við vinnumarkaðinn þurfa að vera virk og samvinna nágrannasveitarfélaga í málefnum atvinnuleitenda meira. Eftirfarandi atriði leggjum við áherslu á:

- **Nýsköpunarsetur:** *Iðandi mannlíf í Kórnum*. Sett verði á fót nýsköpunarsetur (Kópavogsstofa) í húsnæði í Kórnum sem Kópavogsbær hefur nýlega eignast. Þar fá einstaklingar eða hópar aðstöðu til að vinna að þróun og útfærslu hugmynda sinna og fá til þess faglega ráðgjöf frá sérfræðingum. Í nýsköpunarsetrinu verði aðstaða sem ætluð er til útleigu til fræðimanna.
- **Atvinnuleitendur:** Áfram verði stutt við atvinnuleitendur í samstarfi við Vinnumálastofnun.
- **Ungmenn:** Öll ungmenni fái fjölbreytta vinnu yfir sumartímann.
- **Kópavogshöfn:** Skapa þarf Kópavogshöfn nýtt hlutverk, s.s. fyrir skútusiglingar, ferðaþjónustu og smábátaútgerð.

Fjármál

Skuldahlutfall bæjarins, þ.e.a.s. skuldir á móti tekjum, er nú 185%. Með gildistöku sveitarstjórnarlaga árið 2012 var ákvæði um 150% skuldaviðmið fyrir A og B-hluta í

reikningsskilunum. Fjárhagsáætlanir áráanna 2013 og 2014 gera ráð fyrir lækkun hlutfallsins og að það nemi um 174% árið 2014. Nýting skatttekna skal ávallt vera með hagsmuni bæjarbúa að leiðarljósi og varið til þjónustu við þá.

Við leggjum áherslu á eftirfarandi atriði:

- **Skuldir bæjarnins:** Skuldahlutfall Kópavogsbæjar verði komið niður fyrir 150% í lok kjörtímabilsins.
- **Forgangröðun í þágu bæjarbúa:** Við gerð fjárhagsáætlunar þarf aðforgangsraða í þágu bæjarbúa, sérstaklega barna og fjölskyldna þeirra svo og aldraðra.

Kynjuð hagstjórn og gerð fjárhagsáætlunar

Aðferðum kynjasambættingar er beitt við fjárhagsáætlunargerð, hvort sem það eru fjárlög bæjarins eða aðrar áætlanir. Kynjasjónarmið eru höfð að leiðarljósi á öllum stigum áætlunargerðar.

- **Jafnlaunastefna:** Jafnlaunastefna Kópavogsbæjar er órjúfanlegur hluti af launastefnu bæjarins. Markmiðið með henni er að bærinn tryggi að fyllsta jafnréttis á milli kynja sé gætt við launaákvæðanir. Kópavogsbær skuldbindur sig til að sinna stöðugu eftirliti með jafnlaunakerfinu og tryggja þannig að eftir því sé unnið.
- **Íbúakosning:** Á hverju ári er gert ráð fyrir fjármagni í verkefni sem valin eru sérstaklega af íbúum bæjarins í árlegri kosningu.
- **Samvinna bæjarfulltrúa:** Allir bæjarfulltrúar taki fullan þátt í fjárhagsáætlunargerð.